



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԸ

ԱՎՏՈՄՈԲԻԼԱՅԻՆ ՏՐԱՆՍՊՈՐՏՈՎ ՎՏԱՆԳԱՎՈՐ ԲԵՌՆԵՐ ԵՎ ԶՎՆԱՍԱԶԵՐԾՎԱԾ ՏԱՐԱՆԵՐ ՓՈԽԱՂԵԼՈՒ
ՄԱՍԻՆ

Ընդունվել է 27.02.2012

- [Գլուխ 1. Ընդհանուր դրույթներ](#)
- [Գլուխ 2. Ավտոմոբիլային տրանսպորտով վտանգավոր բեռների փոխադրումների բնագավառում պետական քաղաքականությունը](#)
- [Գլուխ 3. Վտանգավոր բեռների փոխադրումների բնագավառում պետական կառավարման մարմինների լիազորությունները](#)
- [Գլուխ 4. Ավտոմոբիլային տրանսպորտով վտանգավոր բեռներ փոխադրող սուբյեկտների իրավունքներն ու պարտականությունները](#)
- [Գլուխ 5. Վտանգավոր բեռների փոխադրումների կազմակերպումը](#)
- [Գլուխ 6. Ավտոմոբիլային տրանսպորտով վտանգավոր բեռների փոխադրումների կազմակերպման այլ հարցեր](#)
- [Գլուխ 7. Եզրափակիչ դրույթներ](#)

ԳԼՈՒԽ 1

ԸՆԴՀԱՆՈՒՐ ԴՐՈՒՅԹՆԵՐ

Հոդված 1. Օրենքի կարգավորման առարկան

1. Սույն օրենքը սահմանում է Հայաստանի Հանրապետության տարածքում ավտոմոբիլային տրանսպորտով վտանգավոր բեռներ եւ չփասազերծված տարաներ (այսուհետ՝ վտանգավոր բեռներ) փոխադրելու բնագավառում պետական քաղաքականության հիմնական ուղղություններն ու սկզբունքները, ինչպես նաեւ վտանգավոր բեռներ առաքողի, փոխադրողի եւ ստացողի (այսուհետ՝ վտանգավոր բեռներ փոխադրող սուբյեկտներ) իրավունքները, պարտականությունները եւ պատասխանատվությունը:

Հոդված 2. Օրենքի գործողության ոլորտը

1. Սույն օրենքի գործողությունը տարածվում է ավտոմոբիլային տրանսպորտով վտանգավոր բեռներ փոխադրելու գործունեություն կազմակերպող եւ (կամ) իրականացնող, ինչպես նաեւ վտանգավոր բեռներ փոխադրելու հետ կապված ծառայություններ մատուցող բոլոր սուբյեկտների վրա:

2. Սույն օրենքի գործողությունը չի տարածվում, եթե ավտոմոբիլային տրանսպորտով վտանգավոր բեռների փոխադրումն իրականացվում է այն կազմակերպության տարածքում, որտեղ կատարվում է դրանց արտադրությունը, մշակումը, պահպանումը, օգտագործումը կամ ոչնչացումը, եւ փոխադրումները չեն իրականացվում ընդհանուր օգտագործման ճանապարհներով:

3. Սույն օրենքի գործողությունը չի տարածվում զինված ուժերին, ոստիկանության եւ ազգային անվտանգության ծառայության մարմիններին պատկանող տրանսպորտային միջոցներով իրականացվող վտանգավոր բեռների փոխադրումների վրա:

Հոդված 3. Օրենքում օգտագործվող հիմնական հասկացությունները

1. Սույն օրենքում օգտագործվում են հետևյալ հիմնական հասկացությունները.

1) վտանգավոր բեռ՝ վտանգավոր նյութ, հումք, վտանգավոր թափոններ, որոնք փոխադրման ընթացքում իրենց յուրահատկությունների հետեւանքով կարող են փասս պատճառել մարդկանց կյանքին եւ առողջությանը, առաջացնել շրջակա միջավայրի աղտոտում եւ փասսել տրանսպորտային միջոցները կամ շենքերն ու շինությունները.

2) վտանգավոր բեռ փոխադրող՝ վտանգավոր բեռը փոխադրելու համապատասխան թույլտվություն ունեցող իրավաբանական անձ կամ անհատ ձեռնարկատեր, որն իրականացնում է վտանգավոր բեռի փոխադրումը:

3) վտանգավոր բեռի փոխադրում՝ արտադրության կամ պահպանման վայրից (սկզբնակետ) նշանակման վայր (վերջնակետ) վտանգավոր բեռների փոխադրման հետ կապված գործունեություն, որն ընդգրկում է վտանգավոր բեռի, դրա տարաների, տրանսպորտային միջոցների, բեռի ընդունման, փոխադրման, հանձնման գործողությունների իրականացման, ինչպես նաև փոխադրման բոլոր փուլերում բեռի կարճաժամկետ պահպանման հետ կապված աշխատանքները:

4) փոխադրման երթուղի՝ վտանգավոր բեռի փոխադրման սկզբնակետից մինչև վերջնակետ տրանսպորտային միջոցների շարժման համար հաստատված ուղեգիծ, որը ներառում է դրանց կայանման վայրերը եւ լիցքավորման կետերը:

5) վտանգավոր բեռը ստացող՝ փոխադրման փաստաթղթերում նշված իրավաբանական անձ կամ անհատ ձեռնարկատեր, որը լիազորված է ստանալու իր անունով ուղարկված (առաքված) վտանգավոր բեռը:

6) վտանգավոր բեռ փոխադրող ավտոտրանսպորտային միջոց՝ բեռնատար ավտոտրանսպորտային միջոց, որն արտադրող գործարանի կողմից նախատեսված է կամ փոխադրողի կողմից Հայաստանի Հանրապետության օրենսդրությամբ սահմանված կարգով վերասարքավորված է տվյալ տիպի վտանգավոր բեռի փոխադրման համար:

7) վթարային քարտ՝ վտանգավոր բեռի հատկությունների եւ դրա փոխադրման ժամանակ առաջացող վթարների կամ միջադեպերի եւ դրանց հետեւանքների վերացման գործողությունների սահմանված նմուշի փաստաթուղթ, որը լրացվում է բեռնառաքողի կողմից եւ բեռի հետ միասին տրամադրվում փոխադրողին: Վթարային քարտի օրինակելի ձևը սահմանում է Հայաստանի Հանրապետության կառավարությունը:

8) բեռնառաքող՝ փոխադրման փաստաթղթերում նշված անհատ ձեռնարկատեր կամ իրավաբանական անձ, որը նախապատրաստում, փաթեթավորում եւ առաքում է վտանգավոր բեռը:

9) չփասագրեծված տարա՝ վտանգավոր բեռներ փոխադրելու եւ պահելու համար նախատեսված տարաներ, կոնտեյներներ, անոթներ, ցիստեռններ, որոնք վտանգավոր բեռը բեռնաթափելուց հետո չեն անցել մաքրում, ախտահանում, վարակազերծում կամ ակտիվազերծում:

Հոդված 4. Ավտոմոբիլային տրանսպորտով վտանգավոր բեռներ փոխադրելու օրենսդրությունը

1. Ավտոմոբիլային տրանսպորտով վտանգավոր բեռներ փոխադրելու մասին օրենսդրությունը բաղկացած է Հայաստանի Հանրապետության քաղաքացիական օրենսգրքից, «Տրանսպորտի մասին», «Ավտոմոբիլային տրանսպորտի մասին», «Թափոնների մասին» Հայաստանի Հանրապետության օրենքներից, սույն օրենքից եւ այլ իրավական ակտերից:

2. Եթե Հայաստանի Հանրապետության միջազգային պայմանագրերով սահմանված են այլ նորմեր, քան նախատեսված են սույն օրենքով, ապա կիրառվում են միջազգային պայմանագրերի նորմերը:

ԳԼՈՒԽ 2

ԱՎՏՈՄՈԲԻԼԱՅԻՆ ՏՐԱՆՍՊՈՐՏՈՎ ՎՏԱՆԳԱՎՈՐ ԲԵՐՆԵՐԻ ՓՈՆԱԴԴՈՒՄՆԵՐԻ ԲՆԱԳԱՎԱՌՈՒՄ ՊԵՏԱԿԱՆ ՔԱՂԱՔԱԿԱՆՈՒԹՅՈՒՆԸ

Հոդված 5. Վտանգավոր բեռների փոխադրումների բնագավառում պետական քաղաքականության հիմնական սկզբունքները

1. Ավտոմոբիլային տրանսպորտով վտանգավոր բեռների փոխադրման բնագավառում պետական քաղաքականության հիմնական սկզբունքներն են՝

1) Էկոլոգիական, ռադիացիոն եւ հակահրդեհային անվտանգության, մարդկանց կյանքի ու առողջության պահպանման եւ ֆիզիկական պաշտպանության, աշխատանքի եւ շրջակա միջավայրի պաշտպանության, բնակչության սանիտարահամաճարակային անվտանգության ապահովման եւ անվտանգ երթևեկության պահանջների գերակայությունը:

2) վտանգավոր բեռների փոխադրումների պայմանների նկատմամբ պետական վերահսկողության ապահովումը:

Հոդված 6. Վտանգավոր բեռների փոխադրումների բնագավառում պետական քաղաքականության հիմնական ուղղությունները

1. Վտանգավոր բեռների փոխադրումների բնագավառի պետական քաղաքականության հիմնական ուղղություններն են՝

- 1) վտանգավոր բեռների փոխադրումների բնագավառի պետական քաղաքականության մշակումն ու իրականացումը.
- 2) վտանգավոր բեռների փոխադրումներին վերաբերող աշխատանքների եւ ծառայությունների չափանիշների, ստանդարտների, նորմերի, կանոնների, պահանջների նկատմամբ պետական վերահսկողության սահմանումը եւ իրականացումը.
- 3) վտանգավոր բեռների փոխադրումների բնագավառում անվտանգության պետական կարգավորման ու կառավարման նպատակով պետական կառավարման մարմինների գործունեության համակարգումը.
- 4) վտանգավոր բեռների փոխադրումների բնագավառում միջազգային համագործակցությունը:

ԳԼՈՒԽ 3

ՎՏԱՆԳԱՎՈՐ ԲԵՌՆԵՐԻ ՓՈԽԱԴՐՈՒՄՆԵՐԻ ԲՆԱԳԱՎԱՌՈՒՄ ՊԵՏԱԿԱՆ ԿԱՌԱՎԱՐՄԱՆ ՄԱՐՄԻՆՆԵՐԻ ԼԻԱԶՈՐՈՒԹՅՈՒՆՆԵՐԸ

Հոդված 7. Վտանգավոր բեռների փոխադրումների բնագավառում Հայաստանի Հանրապետության կառավարության լիազորությունները

1. Վտանգավոր բեռների փոխադրումների բնագավառում Հայաստանի Հանրապետության կառավարությունը՝
 - 1) իրականացնում է պետական քաղաքականությունը.
 - 2) սահմանում է ավտոմոբիլային տրանսպորտով վտանգավոր բեռների փոխադրման թույլտվությունների տրամադրման կարգը.
 - 3) սահմանում է ավտոմոբիլային տրանսպորտով վտանգավոր բեռների փոխադրումների համար ներկայացվող պահանջները.
 - 4) սահմանում է ավտոմոբիլային տրանսպորտով փոխադրվող վտանգավոր բեռների ցանկը եւ դրանց փոխադրման համար տրամադրվող թույլտվությունների ժամկետները.
 - 5) ապահովում է վտանգավոր բեռների փոխադրումների բնագավառում միջպետական համագործակցությունը.
 - 6) իրականացնում է օրենքով սահմանված այլ լիազորություններ:

Հոդված 8. Վտանգավոր բեռների փոխադրումների բնագավառում Հայաստանի Հանրապետության տրանսպորտի եւ կապի նախարարության լիազորությունները

1. Վտանգավոր բեռների փոխադրումների բնագավառում Հայաստանի Հանրապետության տրանսպորտի եւ կապի նախարարությունը՝
 - 1) մշակում եւ իրականացնում է իր բնագավառում պետական քաղաքականությունը.
 - 2) իր լիազորությունների մասով մշակում է բնագավառը կարգավորող իրավական ակտերի նախագծեր.
 - 3) իր լիազորությունների սահմաններում հսկողություն է իրականացնում վտանգավոր բեռների փոխադրումների բնագավառում փոխադրման եւ անհրաժեշտ փաստաթղթերի համար սահմանված պահանջների կատարման նկատմամբ.
 - 4) վտանգավոր բեռներ փոխադրելու համար տալիս է թույլտվություն, իսկ մարդու համար ախտածին՝ 1-ին եւ 2-րդ խմբերի միկրոօրգանիզմներ փոխադրելու դեպքում՝ նախապես ստանալով Հայաստանի Հանրապետության առողջապահության նախարարության համաձայնությունը.

5) համաձայնեցնում է վտանգավոր բեռներ փոխադրելու երթուղին Հայաստանի Հանրապետության ոստիկանության հետ, եթե երթուղին անցնում է Երեւան քաղաքի վարչական տարածքով՝ նաեւ Երեւանի քաղաքապետի հետ.

6) ապահովում է տեղեկությունների փոխանակումը շահագրգիռ գերատեսչությունների եւ կառույցների միջեւ.

7) իրականացնում է օրենքով եւ այլ իրավական ակտերով սահմանված այլ լիազորություններ:

Հոդված 9. Վտանգավոր բեռների փոխադրումների բնագավառում Հայաստանի Հանրապետության ոստիկանության լիազորությունները

1. Վտանգավոր բեռների փոխադրումների բնագավառում Հայաստանի Հանրապետության ոստիկանությունը՝

1) մշակում եւ իրականացնում է իր բնագավառում պետական քաղաքականությունը.

2) իր լիազորությունների մասով մշակում է բնագավառը կարգավորող իրավական ակտերի նախագծեր.

3) հսկողություն է իրականացնում վտանգավոր բեռների փոխադրումների ընթացքում ճանապարհային երթեւեկության անվտանգության ապահովման նկատմամբ եւ ձեռնարկում օրենքով նախատեսված միջոցներ.

4) վտանգավոր բեռների փոխադրումների ժամանակ վտանգավոր բեռ փոխադրողի կողմից գրավոր դիմում ներկայացվելու դեպքում իրականացնում է վտանգավոր բեռի ուղեկցումը անվտանգ երթեւեկությունն ապահովելու նպատակով.

5) տալիս է համաձայնություն վտանգավոր բեռներ փոխադրելու երթուղու վերաբերյալ.

6) մասնակցում է վտանգավոր բեռների փոխադրումների ժամանակ առաջացած վթարների վերացման միջոցառումներին.

7) իրականացնում է օրենքով սահմանված այլ լիազորություններ:

Հոդված 10. Վտանգավոր բեռների փոխադրումների բնագավառում Հայաստանի Հանրապետության արտակարգ իրավիճակների նախարարության լիազորությունները

1. Վտանգավոր բեռների փոխադրման բնագավառում Հայաստանի Հանրապետության արտակարգ իրավիճակների նախարարությունը՝

1) մասնակցում է վտանգավոր բեռների փոխադրման անվտանգության ապահովման պետական քաղաքականության իրականացմանը.

2) իր լիազորությունների մասով մշակում է բնագավառը կարգավորող իրավական ակտերի նախագծեր.

3) վտանգավոր բեռների փոխադրման ժամանակ առաջացած վթարների դեպքում իրականացնում է բնակչության եւ տարածքների պաշտպանությանը, վթարների վերացմանն ուղղված միջոցառումներ.

4) իրականացնում է օրենքով եւ այլ իրավական ակտերով սահմանված այլ լիազորություններ:

Հոդված 11. Վտանգավոր բեռների փոխադրումների բնագավառում Հայաստանի Հանրապետության պետական կառավարման այլ մարմինների լիազորությունները

1. Վտանգավոր բեռների փոխադրումների բնագավառում պետական քաղաքականություն իրականացնող պետական կառավարման այլ մարմինների լիազորություններն են՝

1) առողջապահության բնագավառ՝

ա. մասնակցություն վտանգավոր բեռների փոխադրումների ժամանակ առաջացած վթարների հետեւանքների վերացման միջոցառումներին,

բ. մարդու համար ախտածին՝ 1-ին եւ 2-րդ խմբերի միկրոօրգանիզմներ փոխադրելու դեպքում համաձայնության տրամադրում,

գ. վտանգավոր բեռների բացասական ներգործությունից մարդու առողջության պաշտպանության միջոցառումների գերակա ուղղությունների մշակում եւ վտանգավոր բեռների փոխադրման նկատմամբ սանիտարահիգիենիկ